

SEISYLL BRYFFWRCH (fl. 1155-75), bardd

Enw: Seisyll Bryffwrch
Rhyw: Gwryw
Galwedigaeth: bardd
Maes gweithgaredd: Barddoniaeth
Awdur: David Myrddin Lloyd

Y peth cyntaf a wyddom amdano yw iddo ymryson â *Chynddelw* am benceirddiaeth *Madog ap Maredudd*, tywysog Powys (bu farw 1160). Ceir yr englynion ymryson yn llawysgrif Hendregadredd 71b-72a, ac yn *The Myvyrian Archaeology of Wales* 154a. Dywed Seisyll yn un o'r englynion hyn ei fod o linach 'Culfardd,' sef, y mae'n debyg 'Culfardd hardd hen' y sonia 'lolo Goch' amdano (*I.G.E.*, xvii, 36). Canodd Seisyll awdl-farwnad i *Owain Gwynedd*, ac un arall i *Iorwerth Drwyndwn* ei fab (sef tad *Llywelyn Fawr*). Yr ail farwnad hon yw un o ffynonellau pwysicaf ein gwymbodaeth brin am *Iorwerth* (Lloyd, *A History of Wales*, 549-50). Ceir canu hefyd i'r *arglwydd Rhys* gan y bardd hwn lle y mae'n cyfeirio at yr ymladd yn 1159 yn erbyn y pum iarll Normanaidd, ac at ddiwyddiadau eraill yng ngyrfa *Rhys* mor ddiweddar â'r ymladd yng Nghyfeiliog yn 1167 ac ym Mrycheiniog yn 1168.

Awdur

David Myrddin Lloyd, (1909 - 1981)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.

Arddull APA



Lloyd, D. M., (1953). SEISYLL BRYFFWRCH (fl. 1155-75), bardd. Y *Bywgraffiadur Cymreig*. Adferwyd 20 Tac 2024, o <https://bywgraffiadur.cymru/article/c-SEIS-BRY-1155>

LLGC
NLW

LLYFRGELL
THE NATION



